

安徽古籍叢書

龍眠風雅全編

〔清〕潘江輯 彭君華主編

六

黃山書社

龍眠風雅全編

六

〔清〕潘江輯
彭君華主編

安徽古籍叢書

黃山書社

第六冊目次

龍眠風雅

卷五十七

陳伯英(三首)	二二六
方孔矩(三十八首)	二二七
錢旦仍(四首)	二三八
張秉哲(四十二首)	二三八
倪甄善(三首)	二三九
方道乾(七首)	二三九
左國斌(五十二首)	二四〇
倪士棠(二十五首)	二四一
吳道坦(十六首)	二四二
吳顯之(三首)	二四二

卷五十八

齊繩祖(一百零五首)	二四三
卷五十九	
周曰赤(十九首)	二四六
吳道合(十六首)	二四七
馬之瓊(四首)	二四七
方里(五十三首)	二四七
吳循(二十首)	二四九
潘天芝(十首)	二五〇
童奇珍(二首)	二五〇
何永圖(十一首)	二五〇

江迴(六首)……………二五〇九

齊敕(二首)……………二五一

方訥(二首)……………二五二

陳鼎(二首)……………二五三

姚孫植(二首)……………二五四

齊永建(一首)……………二五五

張曉(五首)……………二五六

卷六十

丁倬(八十首)……………二五九

方戡(三首)……………二五四

左國鼎(二十二首)……………二五四

孫大年(三十首)……………二五〇

王虬(六首)……………二五五

潘五芝(十五首)……………二五六

姚文庶(八首)……………二五六

吳日昞(六首)……………二五九

光廷球(四首)……………二五七一

方雨(一首)……………二五七二

吳季鳳(二十五首)……………二五七三

卷六十一

馬敬思(一百六十二首)……………二五八三

馬孝思(一百二十五首)……………二六二六

馬方思(十三首)……………二六六一

馬日思(七首)……………二六六四

卷六十二

戴臚(五十五首)……………二六六九

左國昌(十五首)……………二六八六

方碩(二十五首)……………二六九一

姚文奭(四首)……………二六九九

錢灋祖(十六首)……………二七〇一

方于宣(四首)……………二七〇六

姚氏鳳儀(二十六首)……………二七〇八

吳兆武(一首)……………二七一六

吳昌猷(八首)……………二七一六

丁舟巖(五首)……………二七一九

姚士銓(十五首)……………二七二〇

吳熹(一首)……………二七二五

殷邦(二首)……………二七二六

吳席(一首)……………二七二七

姚鼎孝(二十八首)……………二七二七

張竑(三十首)……………二七三五

周孔雯(一首)……………二七四四

周肯堂(二首)……………二七四五

卷六十三

寓公

王宣(二十首)……………二七四七

鮑仲熊(二十九首)……………二七五三

汪之順(八首)……………二七六〇

汪宗魯(二首)……………二七六三

羽士

吳道隆(八首)……………二七六四

衲子

釋淨倫(一首)……………二七六七

釋洪恩(十四首)……………二七六八

釋德清(六首)……………二七七三

釋法鎧(一首)……………二七七六

釋本智(五首)……………二七七六

釋佛光(二首)……………二七七八

釋行罔(十首)……………二七七九

釋大艤(七首)……………二七八三

釋元亮(一首)……………二七八五

釋戒顯(一首)……………二七八六

釋慧琛(六首)……………二七八七

釋道盛(十一首)……………二七八九

釋如清(二十八首) 二七九三

釋海琇(九首) 二八〇一

釋本正(五首) 二八〇五

釋音可(四首) 二八〇七

卷六十四

衲子

釋明雪(七首) 二八一

釋淨燈(八首) 二八一四

釋存省(十九首) 二八一六

釋大寧(五十六首) 二八二二

釋弘智(七十七首) 二八三八

龍眠風雅卷五十七

木屋潘 江蜀藻輯

江都宗元鼎定九同里齊烈祖秩斯參

陳伯英

字千之。順治甲午副榜。家于東鄉之柳峯。年十二隸弟子員，鄉黨以『神童』稱之。性豪曠不羈，精河洛西銘之學，詩賦特其餘技。嘗曰：『詩道性情，非可以艱深得者也。』故衝口成章，不經師匠。年七十，步姚休那先生自祭詩百二十韻，黃岡杜于皇謂其『二酉在胸，一貧到骨。詩則雲錦立成，天衣無縫』，洵篤論也。于皇於時流多怪少可，獨推較千之，子雲知子雲，豈阿好哉？嗟乎！千之與吾友齊子古愚同年中副車，千之詩猶賴吾門人王子浩生搜以寄予，而古愚不能詩，無從表襮，可爲三嘆。

吳素夫楚遊寄贈

湖海年年賦遠遊，逢迎到處足風流。斗間自昔推雙劍，江上無緣共一舟。太史文章因涉歷，陸生裝橐好歸休。故人饑臥空山裏，積雪何曾有敝裘？

挽高道驪先生

大江南北數才人，可惜京華未致身。鴻寶枕中堪作古，鳳毛池上又重新。交情一任淡如水，瘦骨應知別有神。一慟寢門誰和我？聲聲鴈唳徹秋旻。

步休那先生七十自祭一百二十韻

姚休那自祭百二十韻，博雅跌宕，是爲詩史，余嘗愛之。今余亦稱七十矣，老不成名，猶期聞道，不辭取笑，聊以效顰。好我者張之壁間以當頌祝之詞，庶幾陶與姚不專美也。

賜杖懸車皆此際，香山洛社正其時。藏書幸有枕中秘，挂壁何須錦上詞？日月兩丸停瞬過，乾坤一隙問心知。納新吐故方奚益？嘆老嗟貧意更卑。山海未嘗無蠱陷，兔烏頻見幾盈虧。繚韜枉自囚鸚鵡，林澤憑君走鹿麋。今我頭顱成老醜，當年骨相故岐嶷。鷹揚曾入先人夢，駒血寧非夙慧基？屬對數齡霏玉屑，讀書兩目映琉璃。家嚴早背沾衣泣，大父相憐拭淚窺。百里受經形影弔，隻身寄食往還疲。偷光鄰火常繙史，學步殘編即解詩。日守寒窗寧待伴？偶成異句大驚師。欣逢當道咸邀賞，歷試艱題總不辭。鄉衮愛才爭盼

睽，贊宮逐隊表葳蕤。馬稱千里忘蹄嚙，寶重連城略類玼。禹穴臥薪嘗霸越，趙軍拔幟在奔氐。鉢存餘粥猶堪畫，架剩遺田且漫菑。桃李在門偏種竹，蓬蒿塞徑更栽橙。杜陵三賦時爲獻，延水雙龍合自奇。訂僞渡河無亥豕，讀莊會意有蛇虺。筆波獨駛傾三峽，文面羣看轉九疑。篇值千金何處賣？字酬匹絹孰爲貽？中原沸鼎魚安托？大地焚林鳥豈支？鹿失韓盧空自逐，蛟潛鰕鱖亦相欺。風培已厚霜翎峻，水擊雖高雲路岐。一誤副車神忽忽，三年再舉意惄惄。眉山遂失廬陵遇，淮水空思漂母慈。燕雀豈知鴻鵠志？鷄鶩難占鳳凰枝。孟明屢北原非怯，屈子孤吟可自比。憔悴忽腴因戰勝，徭狂復醒賴塵離。玉樓不作交當緩，蟲技稍工禍又罹。食客漫連村學席，柴車浪逐玉輿綏。引商下里終奚用？長嘯蘇門樂不疲。梁棟手多蓬蓽製，□□術半馬牛醫。點頭有石今皆似，解語惟鷄別覓誰？要謁龍門羞代掃，欲懸馬帳愧須貲。因思立雪從遊日，獨擬凌雲入幕私。豎義止標一指偈，論文如錫十朋龜。王孫悔識相如晚，天子安通得意爲？鹿洞且將爭壁壘，梁園寧止樹壇墻？麟遊忽避豺狼窟，龍戰開端雁鵞池。豹在霧中文愈蔚，珠藏澤底岸終麗。東山捉鼻情如見，蓮社攢眉事可追。家史崢嶸編足據，律詩長慶稿仍遺。自甘正字琴先碎，不向齊王筭妄吹。蟲臂偶沾旋謝去，猪肝纔得即歸馳。孤鴻未敢貪梁稻，野馬何當聽繫維？短褐時親收橡栗，長鑣特用剗蒲葵。濁醪吸等金莖露，枯葉焚同太乙藜。黃犢乘來

三里穩，白茅捲盡數椽危。縱然伏處如蠻觸，詎羨峨冠聳駿驄？曩日悼亡憐故劍，八年浪迹輒空帷。文君琴操非吾願，德曜荆釵必再咨。幸爾後先無異轍，不聞涼燠有殊施。兒方彭澤書知好，妻近於陵相不移。五岳未諧婚嫁愿，十洲聊作臥遊規。無功良醞雖恆戀，公述虛恭豈足羈？卜宅僅同舟作屋，耕田孰意豆爲萁？上書賈誼何庸哭？下第劉蕡今有祠。愚叟本愚休更號，晦翁終晦不因著。文章光焰凡人見，聲氣旌麾下駟靡。灌絳區區寧足伍？融修落落且稱兒。談時塵尾渾忘倦，字裏蠅頭尚未敲。擲我青衫初脫械，覲人朱轂有行尸。先生好好誰能辨？國語非非不若唯。繒裂止知妮豔似，紉藏莫悼棄班姬。嗜音妄許無絃軫，好古惟尋沒字碑。悅草徒誇皮是虎，食桑不改眼猶鴟。操觚浪覓金針度，帖括都鄰塵飯戲。焚硯欲將初業廢，握鉛便覺素心墮。蠹深七里誰能撥？塵暗千層惜已遲。蓬不生麻無曲直，涇雖近渭自偏畸。嗣宗窮後能無哭？蘇軾生來不合宜。浮渡有魚堪把釣，柳峯薄畝足扶犁。夔龍接踵伊何日？顏跖同歸總一塒。半菽忘憂驕列鼎，高梁恐折亟誅茨。三冬衣葛交應絕，五月披裘某在斯。敗綰不堪酬酒債，冷泉聊以沃詩脾。一丁不識才凌鄴，數斛纔收富擬鄆。蘭室斷金銅聚臭，葭叢倚玉貨論差。豈知儉腹囊無量，偏是寒廬蓄不訾。赫赫桂林宗孟氏，巍巍桐汭奉宣尼。晚年獨得蒙青眼，先進因而讓白眉。兩畫玄黃寧在卦？一場黑白詎惟棋？鐵關誠意誰能入？玉鑰良知先自持。水乳

原從形外合，火薪不比世中期。悠悠俗態翻騰口，逐逐時趨儘朵頤。北面自違夫子訓，西州長抱野人悲。光陰七十滄桑幻，世界三千傀儡提。懷舊終身耽寂寞，傷心觸緒總離披。經幃不煖寒氈席，詩卷徒攜冰雪隨。怪事書空常咄咄，牢騷填臆每累累。冷殘恥共屠兒嚼，婉孌奚辭季女飢？一局全輸爭半壁，東隅已失待崦嵫。韞珠安肯輕彈雀？斗酒惟宜往聽鸛。只說梅花經臘放，那堪柳質望秋衰？蛙蝦陣內矜魴鯉，瓦礫園中認鼎彝。鐵骨幸無腰下組，繡腸其奈鬢邊絲？勿言孰得蕉兼鹿，始信誰工聃勝夷。腐芥未聞能取珀，曲針安可槩投磁？以茲對語寒山石，斷不因人熱脚齏（二）。充溢貴官猶惜李，蕭條高士僅茹芝。柑黃豈識中爲絮？狐白寧容反著皮？精衛漫存填海志，螳螂妄作輔車支。交親淡冷多因懶，山水纏綿頗似癡。可惜削平餘竹杖，無端煮熟賸哀梨。近窗素月長爲友，遠嶺閒雲疇與遺？夢裏蝶莊皆栩栩，起來跼舜各孳孳。霜凝風定蛩依砌，雲薄天高水落陂。逆旅主人都是寄，住山行脚莫相嗤。橘間勝敗從撐拄，槐上封疆任嶮巇。騎走羊腸休用策，舟過灤潁可輕艤。散材溝斷那循墨？躍冶頑金不受椎。皂帽遼東居士服，葛巾栗里達人儀。呼來牛馬吾皆應，歲在龍蛇命所司。但向壺中爭甲子，恥于籠內定雄雌。千秋旦暮誰分爾？七尺昂藏肯負伊？萍迹偶遭奚聚散？花茵既褪孰妍媸？慈航弱水宜先駕，棧閣蠶叢應早治。倘悟須彌原芥子，何難跬步即天涯？

方孔矩

字爾從，號三峯。司農玉峽公之仲子也。少孤，能自立，崇禎己巳與予同補博士弟子員，予年十一，爾從年亦僅十五也。順、康以來，久屈舉場。家貧好遊，足迹所至輒歌詠成帙。性忼慨，遇不平每爲憤盈，他人雖盛氣凌之不能奪。與兄爾止、弟退谷詩名在伯仲之間。

不寐

有客有客在西湖，行李蕭瑟形容枯。沽酒一尊銷永夜，不到三更酒力無。戍鼓聲聲催旅夢，寒蛩亂泣客心孤。窗間殘月等閒色，枕上離人看不得。照我羅幃影漸寒，展轉私情徒脉脉。

李芥須東皋草堂成招飲

芥須先生茅屋成，春晴招我出郊行。扶筇安步祇里許，烏石山頭笑相迎。門開荒徑未全

掃，一望便覺幽居好。塵囂不到又負郭，此中真可賦偕老。眼前春色帶煙蘿，四壁琅琅富詩歌。其間作者不一體，惟有還山詩最多。還山交君如骨肉，知君生平及幽獨。贈君血性驚人詩，令我讀之轉痛哭。讀罷君呼酒滿卮，我亦爲君醉不辭。牢騷對酒不能已，須臾日落西山陲。祇今咫尺難長聚，況復饑驅愁行路？幾時結廬傍山阿，與君晨夕吟詩句。

中秋同中丞仁植兄龍山看月

長嘯對青天，山空月更圓。庭香清在樹，夜氣澹如煙。作客殊方久，思君此地偏。況逢秋色好，痛飲自忘眠。

雨後過大龍山

萬山澎湃後，曉發破新苔。雲氣尚含雨，泉聲不辨雷。水穿層嶺斷，花怨早春開。前路衝泥怯，呼童傍我來。

憶爾孚弟

憐予仍失意，安邑任淹留。枕被愁生夜，池塘夢入秋。家貧難閉戶，客久倦登樓。多難應

同調，寒霜泣敝裘。

夜

蕭瑟秋聲起，幽樓戶不開。
寒鴉窗外宿，孤鴈夜深哀。
劍冷長途匣，詩親獨坐杯。
窗虛留月影，暫與客徘徊。

曉發北峽關

曉起霧涵雨，東風吹漸收。
路危嚴馭馬，春黯厭聞鳩。
極目村煙渺，平田草樹稠。
饑驅何日慰？閒卻老黔婁。

自合肥至霍山途中雜詠二首

雲捲野天空，清郊望不窮。
秧針晴刺水，麥浪晚翻風。
路遠催行李，春殘剩去鴻。
愁心河畔草，嫩綠已成叢。

四月春猶在，殘花幾處紅。
短牆茆屋閉，絕澗板橋通。
林密霧成雨，山空松自風。
向來人

迹少，樵唱白雲中。

蘭谿道上

浪遊何所極？千里布帆輕。容似經秋倦，風因返照生。牛羊閒野浦，橘柚點山城。一望煙林渺，歸鴉處處鳴。

夜飲徐武靜高會堂

獨坐愁寒夜，書來忽見招。相逢燈下話，難向酒中消。近海魚何美，初春韭正嬌。卻忘歸路遠，醉裏渡危橋。

九日同凝齋兄暨兒姪輩登高

九日多爲客，三年獨在家。浮名無我分，濁酒有鄰賒。北郭同遊屐，東籬且看花。一尊拚盡醉，隨意坐晴沙。

初冬同李士雅家梅師退谷子山訪王鑒公山莊

十月山城外，山光又不同。晴沙平欲白，凍葉尚留紅。茅舍前溪隔，柴門窄徑通。四時新釀熟，樂與故人公。

汶上夜坐寶相寺

故園千里外，月是一般圓。照得人無恙，那知客可憐？親朋書札斷，兒女夢魂牽。此地風先冷，清秋耐早眠。

感懷

牢騷無限意，又見鬢毛斑。萬事付流水，一心思買山。詩書前世業，衣食老年艱。繞膝徒多累，相看爭駐顏。

病

經秋何病苦，暑毒中人腸。痛楚誰能語？支離強自將。燈爲長夜伴，藥是老妻嘗。此外